

# **Spresione è cumunicação**

## I CUNTRASTI

**Nivellu** : Ciculi 1, 2 è 3

**Ogettivi** :

- Purtà i zitelli à avè una spresione linda
- Favurizà a memorizzazione da permette di rinvestisce strutture è lessicu

**Materiale**

\* E fiure chì currispondenu à i cuntrasti pruposti.

**Sbucinera**

**1<sup>a</sup> tappa**

U maestru prupone a fiura chì currisponde à u cuntrastu sceltu. (esempiu : a fiura 2 currisponde à u cuntrastu trà Cappuccinella Rossa è a mamma). U maestru prupone e frase di u cuntrastu di modu teatrinu. Ripiglia dopu ogni frasa è a face ripete di manera cullettiva po individuale.

**2<sup>a</sup> tappa**

U maestru sceglie dui zitelli per falli dè a scenetta (si pò ghjuvà u maestru di mariunette à u ciculu 1)

Fiure	<u>Ciculu III</u>
2	<p><u>Mamma</u> : <b>Cappuccinella rossa, veni quì, per piacè !</b>  <u>Cappuccinella Rossa</u> : <b>Chì c'hé o Mà ?</b>  <u>Mamma</u> : <b>Mammone hé malata. Ci vole à purtalli sta micchituccia e stu vasettu di butiru.</b>  <u>Cappuccinella Rossa</u> : <b>Vulenterì, o Mà !</b>  <u>Mamma</u> : <b>A cunnosci a strada ?</b>  <u>Cappuccinella Rossa</u> : <b>Iè, o Mà, a cunnoscu.</b>  <u>Mamma</u> : <b>Allora, fila a to strada è un parla cù nimu, soprattutto s'è tù scontri u lupu.</b>  <u>Cappuccinella Rossa</u> : <b>Iè, o Mà ! Un parlaraghju cù nisunu.</b></p>
4	<p><u>U lupu</u> : <b>Bonghjornu, Cappuccinella Rossa !</b>  <u>Cappuccinella Rossa</u> : <b>Bonghjornu, o sgiò lupu !</b>  <u>U lupu</u> : <b>Chì ai indè u to spurtellu ?</b>  <u>Cappuccinella Rossa</u> : <b>Aghju una micchetta è un vasettu di butiru.</b>  <u>U lupu</u> : <b>E, induve vai ?</b>  <u>Cappuccinella Rossa</u> : <b>Vò à vede à a mo mammone, hè malata.</b>  <u>U lupu</u> : <b>Induve stà mammatone?</b>  <u>Cappuccinella Rossa</u> : <b>Indè una casuccia, al dilà di a furesta.</b>  <u>U lupu</u> : <b>Voli fà una corsa incù mè fin'à a casa di a to mammone ?</b>  <u>Cappuccinella Rossa</u> : <b>Innò, o sgiò lupu. Mi ne vò pianu pianu.</b></p>
6	<p><u>A mammone</u> : <b>Quale hè chì pichja cusì ?</b>  <u>U lupu</u> : <b>Sò eiu, a vostra figliulina, Cappuccinella Rossa ! Vi portu una micchetta fresca fresca, è un vasettu di butiru, o mammò.</b>  <u>A Mammona</u> : <b>Cume sò felice a mo figliullella, ma un possu arrizzami chì sò malata.</b>  <u>U lupu</u> : <b>Cumu aghju da fà per entre ò Mammò ?</b>  <u>A mammone</u> : <b>Un ti ne fà, stami à sente : tira a funicella, a vulella cascherà è a porta s'aprerà !</b>  <u>U lupu</u> : <b>U,U,U t'aghju da manghjà !</b>  <u>A mammone</u> : <b>Aiutu, aiutu, chì u lupu mi vole manghjà !</b>  <b>Lascia mi corre, o gattivò, chì sò vechja è malata, sò pocu gustosa è pocu grassa !</b>  <u>U lupu</u> : <b>Chì po fà ? Sì ghjustu un apperitivu, a to figliulina serà un pranzu più tenneru !</b></p>
10	<p><i>Cappuccinella Rossa hè dananzu à a casarella di mammone, pichja à l'usciu.</i>  <i>U lupu, una scufia in capu, hè nentru à u lettu.</i>  <u>U lupu</u> (incu una vuciarella) : <b>Quale hè ?</b>  <u>Cappuccinella Rossa</u> : <b>So eiu, a vostra figliulina, a vostra Cappuccinella Rossa.</b>  <u>U lupu</u> : <b>Tira a funicella, a vulella cascherà è a porta s'aprerà !</b>  <i>Cappuccinella Rossa entre è s'avvicina à u lettu.</i>  <u>Cappuccinella Rossa</u> : <b>O Mammò, tamanti ochji chì vo avete !</b>  <u>U lupu</u> : <b>Sò per vedeti megliu, a mo figliuluccia !</b>  <u>Cappuccinella Rossa</u> : <b>O Mammò, tamante arechje chì vo avete !</b>  <u>U lupu</u> : <b>Sò per senteti megliu, a mo figliulella!</b>  <u>Cappuccinella Rossa</u> : <b>O Mammò, chì brace tamante !</b>  <u>U lupu</u> : <b>Sò per megliu abbracciati a mo figliulella !</b>  <u>Cappuccinella Rossa</u> : <b>O Mammò, chì dentoni !</b>  <u>U lupu</u> : <b>Sò per manghjatti megliu, o niscentrò.</b></p>

